

Tanpa menerusi negara ketiga Eksport Malaysia ke Korea Utara akan ditingkat

KUALA LUMPUR, Selasa — Malaysia akan meningkatkan lagi jumlah perdagangannya dengan Korea Utara melalui hubungan terus tanpa menerusi negara ketiga.

Melalui perdagangan terus, kedua pihak akan menikmati barga yang menguntungkan di samping menjamin penawaran dan mutu barangan.

"Nilai perdagangan di antara Malaysia dan Korea Utara masih lagi kecil, tetapi sekarang ini menunjukkan pertambahan menggalakkan.

"Jumlah keseluruhan nilai perdagangan bertambah dari \$9.52 juta pada tahun 1971 menjadi \$43.01 juta tahun 1980.

"Pertambahan ini sebahagian besarnya menguntungkan Malaysia terutama disebabkan bertambahnya penggunaan getah asli di Korea Utara," kata Menteri Perusahaan Utama, Datuk Paul Leong kepada pemberita selepas dikunjungi oleh Timbalan Perdana Menteri Korea Utara, Encik Kye Ung-Tea hari ini.

Menurut Datuk Paul Leong eksport getah ke Korea Utara meningkat dari \$9.42 juta tahun 1979 kepada \$38.31 juta tahun lalu.

Menjadi pasaran utama Malaysia

Tahun lepas juga buat pertama kali Malaysia mengeksport kelapa wawit ke sana sebanyak 6,000 ton. Dicampur dengan jumlah eksport barangan lain nilainya nilainya sebanyak \$4.67 juta.

Menurut Menteri Perusahaan Utama, Korea Utara berpotensi menjadi pasaran utama Malaysia memandangkan negara itu pesat membangun terutamanya dalam sektor perindustrian.

Perkembangan itu, tambah beliau, membolehkan Korea Utara menambah import getahnya. Kayu balak dan lain-lain keluaran kayu juga mempunyai pasaran di Korea Utara terutamanya bagi menampung perkembangan sektor binaan dan industri pembinaan kapal, katanya.

Timbalan Perdana Menteri Korea Utara, Encik Kye Ung Tea pula mengumumkan negaranya akan mengimport lebih banyak getah asli lagi dari Malaysia untuk industri membuat tayar di sana.

Pengumuman ini dibuat di majlis taklimat Risa disampaikan oleh Timbalan Ketua Pengarah Operasi Risa, Encik Yahji Mohammad di Ibu pejabat Risa di sini hari ini.

Rancangan

Menurut Encik Kye Korea Utarasekarang ini sedang melancarkan rancangan pembangunan sepuluh tahun dan memerlukan banyak bahan mentah, terutama getah.

Melalui rancangan sepuluh tahun itu Korea Utara berharap dapat mengeluarkan tujuh juta tan baja kimia, lima juta tan ikan dan 1,000 juta hektar kain tenun.

Encik Kye dan rombongannya mengunjungi Timbalan Perdana Menteri Datuk Sri Dr. Mahathir Mohamad di sebelah petangnya.

Bahan asal dari Arkib
Negara Malaysia